

面靈童靜育焚塵復載馳風惺月仙家景前同

定風波

萬萬人中這箇人忽然自悟說良因恰似白蓮花一朶尖新泥
沙脫了出迷津邀住清風開嫩臉朗窺明月作毗隣住向空中
騰馥郁靈真此時占得四時春

丹陽繼韻

做箇逍遙出世人都緣傳得好根因收聚瓊花香馥郁新新自
然不住飲甘津便把虛無常作伴更將清淨永爲隣貪養胎仙
甯著假真真真真能占萬年春

超彼岸

道藏輯要

重陽教化集

三

胃集二
川上X

凡軀莫藉把惺惺了了自然明明構架行住坐卧須要清清閑
暇氣神和結成珠堪教化張弓舉箭能親射紅心正中趕退周
天卦瑛貼中間迸出霞光無價五行違脫陰陽超造化

丹陽繼韻

家緣不藉遇風仙傳得修補清虛之架懶裏尋慵慵裏更尋閑
暇上街來除我相先乞化木人箭指雲溪射覺正中周天通明
八卦見粒神丹燦爛果然無價水雲遊訪秦川行教化

三州五會化緣榜

竊以平等者道德之祖清淨之元首看萊州終歸平等爲玉花
金蓮之根本作三光七寶之宗源普濟羣生遍拔黎庶銀豔沖

盈於八極彩霞蒸滿於十方漸生良因用投吉化有緣固蒂無
果重生人人願吐於黃芽箇箇不遊於黑路夫玉花者乃氣之
宗金蓮者乃神之祖氣神相結謂之神仙陰符經云神是氣之
子氣是神之母子母相見得做神仙起置玉花金蓮社在於兩
州務要諸公認真性養真氣諸公不曉根源盡學旁門小術此
乃是作福養身之法並不干修性命入道之事稍爲失錯轉乖
人道諸公如要修行飢來喫飯睡來合眼也莫打坐也莫學道
只要塵凡事屏除只用心中清淨兩箇字其餘都不是修行諸
公各懷聰慧每齋場中細細省悟庶幾不流落於他門功行乃
別有真功真行首真人云若要真功者須是澄心定意打疊神
情無動無作真清真靜抱元守一存神固氣乃真功也若要真
行者須是修仁蘊德濟貧救苦見人患難常行拯救之心或化
誘善人入道修行所行之事先人後已與萬物無私乃真行也
伏願諸公早垂照鑒